



**IZBORNA PLATFORMA
ZA LOKALNE IZBORE
2016. GODINE**

**IZBORNA PLATFORMA
ZA LOKALNE IZBORE
2016. GODINE**

Odlučni u namjeri da nastavimo sa provođenjem reformi kojima je cilj ekonomsko-socijalni oporavak i evroatlansko integrisanje pravne, demokratske, politički stabilne i prosperitetne Bosne i Hercegovine;

Čvrsto opredjeljeni da nastavimo izgrađivati pretpostavke za kvalitetnije ostvarivanje prava građana, privrednih i drugih subjekata i ukupno bolji život građana u lokalnoj zajednici;

Naglašavajući da unapređenje kvaliteta življenja u općini, kreiranje novih ekonomskih mogućnosti te borba protiv siromaštva u značajnoj mjeri zavise od sposobnosti lokalne uprave;

Imajući u vidu da svaka lokalna zajednica ima svoje posebnosti ali i potrebu ujednačenog pristupa lokalnom razvoju na temelju primjenjenog i efikasnog modela,

Predsjedništvo Stranke demokratske akcije, na sjednici održanoj 24. juna 2016. godine, donosi Odluku kojom se usvaja:

**IZBORNA PLATFORMA
ZA LOKALNE IZBORE U
BOSNI I HERCEGOVINI 2016. GODINE**

1. GLAVNI PRAVCI I PRIORITETI

- Općina kao jedinica lokalne samouprave mora biti pokretač aktivnosti u stvaranju i poboljšanju ukupne ekonomske situacije na svom području, kroz podršku lokalnom ekonomskom razvoju, javno i transparentno izvršenje budžeta i stvaranje partnerstva između općine, privrednog i nevladinog sektora;

STRANKA DEMOKRATSKE AKCIJE

- Na nivou općine, u svim strukturama i nivoima djelovanja, kroz razvijanje i jačanje državotvorne svijesti i nacionalnog identiteta, razvijati praksu dobrog liderstva, efikasnog menadžmenta, dobre organizacije i kvalitetnog praćenja implementacije aktivnosti koje se realiziraju;
- Realizirati konkretne i provodive mjere podrške lokalnom biznisu s ciljem da u najkraćem roku i na jednom mjestu poduzetnik riješi svoje zahtjeve, koji se tretiraju kao zahtjevi visokog prioriteta u radu općinskih službi;
- Razvijati pravilnu politiku upravljanja ljudskim resursima (na odgovorna mjesta postavljati sposobne i odgovorne ljude, a njihove rezultate mjeriti rezultatima koje postižu organizacije kojima rukovode);
- Maksimalnu pažnju posvetiti budžetskoj disciplini i uspostavljanju sistema kontrole finansijskog poslovanja, te transparentnosti rada organa uprave u svim vidovima;
- Kroz budžet promovirati politiku koju želimo voditi, a to je politika razvoja bez rasipništva (smanjiti plaće budžetskih korisnika, smanjiti naknade vijećnicima, ukinuti isplate komisijama, smanjiti i ograničiti primanja upravnim i nadzornim odborima javnih preduzeća i javnih ustanova, ograničiti primanja direktora javnih preduzeća i javnih ustanova, podnošenje detaljnog izvještaja o utrošku tekuće budžetske rezerve što je odraz opće opredijeljenosti da se osigura puna transparentnost utroška budžetskog novca);
- Utvrditi program mjera štednje u organima uprave i drugim institucijama i organima koji se finansiraju iz općinskog budžeta;

- Razvijati javna preduzeća kao značajan općinski potencijal, konsolidovati ih i učiniti likvidnim i sposobnim za investiranje u razvojne projekte od značaja za općinu;
- Unaprijediti poslovanje javnih ustanova, kao i njihovo mjesto i ulogu u razvoju lokalne zajednice (uposliti ih u punom kapacitetu, centralizovati finansije i računovodstvo i pripremiti ih za trezorsko poslovanje);
- Razvijati kulturu, sport, obrazovanje, te omogućiti dostupnost ovih sadržaja svim građanima općine;
- Saradivati i komunicirati sa drugim općinama i gradovima u funkciji ubrzanijeg ekonomskog razvoja i postizanja ekonomske samoodrživosti.

2. LOKALNI EKONOMSKI RAZVOJ, PODUZETNIŠTVO I POLJOPRIVREDA

Lokalni ekonomski razvoj i koncepcija razvoja konkurentnosti su paradigma uspješne uprave, a posebno zbog hijerarhijskog položaja općina u ustavnom uređenju naše zemlje. U takvoj situaciji dobija na značaju angažiranost u lokalnom ekonomskom razvoju, a poduzetnost postaje krucijalno važna, ne samo za lokalni, već i za ukupan ekonomski razvoj.

U cilju jačanja poduzetništva, stvaranja što povoljnijeg poslovnog ambijenta za privlačenje i ulaganje domaćih i stranih investicija, te stvaranja povoljnijih uslova za zapošljavanje i otvaranje novih radnih mjesta, potrebno je poduzeti sljedeće aktivnosti i mjere:

STRANKA DEMOKRATSKE AKCIJE

- Organizovanje redovnih sastanaka sa privrednicima i poljoprivrednim proizvođačima sa ciljem otklanjanja prepreka za razvoj privrede i novih zapošljavanja;
- Kroz adekvatna rješenja potrebno je osigurati efikasno stavljanje u funkciju privrednog razvoja svih slobodnih površina (putni pojas, šumsko zemljište, neperspektivna državna imovina...);
- Stvaranje i jačanje institucija prostornog planiranja, pojednostavljenje i mapiranje saglasnosti za građenje, ažuriranje prostorno planske dokumentacije te uvođenje efikasnih instrumenata kontrole postavljenih ciljeva prostornog razvoja;
- Kontinuiran rad na iznalaženju potencijalnih investitora koji su spremni ulagati na području općine, te motivisanje potencijalnih poduzetnika na što ranije započinjanje novih poslova;
- Pravovremeno pripremiti i kandidirati prema višim nivoima vlasti i međunarodnim institucijama kapitalne projekte općine;
- Uvođenje reda u oblasti urbanizma, zaustavljanje bespravne gradnje i bespravnog zauzimanja zemljišta u državnoj svojini;
- Suzbijanje rada na crno;
- U oblasti prirodnih resursa potrebno je poduzeti mjere koje će za cilj imati veći utjecaj i korist od resursa s kojim raspolažu lokalne zajednice. Ovo podrazumijeva harmonizaciju nivoa odlučivanja o koncesijama te efikasnije ubiranje i raspodjela prihoda;

IZBORNA PLATFORMA ZA LOKALNE IZBORE 2016. GODINE

- Promocija društvene odgovornosti preduzeća i zajedničkih inicijativa i projekata;
- Podrška razvoju elektroenergetskog sektora;
- Podrška očuvanju starih zanata;
- Aktivno raditi na realizaciji programa razvoja turizma (i privatnog turizma);
- Osnivanje odsjeka za lokalni ekonomski razvoj, kao posebne organizacione jedinice u organu uprave, u okviru kojeg treba organizirati uslužni servis za poduzetnike;
- Formirati Stručni tim za otklanjanje administrativnih barijera i ubrzavanje procedura za domaća i strana, pravna i fizička lica koja žele investirati na području općine;
- Osnovati kreditno-garancijski fond za mala i srednja preduzeća koja egzistiraju, kao i ona koja namjeravaju započeti sa radom ili pokreću poduzetničku aktivnost na nivou općine;
- Jačati veze sa stanovništvom u dijaspori (najmanje jednom godišnje upriličiti sastanak sa našim građanima zaposlenim u inostranstvu);
- Izraditi i štampati investicijski vodič općine, te posebnu web-stranicu za investitore, koja omogućava elektronsku registraciju poduzetničkog subjekta iz nadležnosti lokalne samouprave.

Podsticajne i stimulativne mjere za poboljšanje stanja u privredi

- Osposobiti kadrove u općinskim tijelima za komuniciranje s institucijama EU i pripremu projekata za korištenje sredstava iz fondova EU ali i drugih međunarodnih projekata;
- U saradnji sa udruženjima poduzetnika i poljoprivrednika u budžetu i programima planirati nove kategorije podsticaja, pri čemu treba razdvojiti socijalnu i razvojnu kategoriju;
- Formirati lokalna partnerska vijeća koja će činiti predstavnici općine, poslodavaca, obrazovnih ustanova, službi za zapošljavanje i nevladinih organizacija radi razmjene informacija sa tržišta rada i utvrđivanja lokalnih razvojnih politika.
- U cilju stvaranja garantovanih nivoa zaštite procesa razvoja i podrške poduzetništvu neophodno je utvrditi minimalno učešće u budžetima izdvojenih sredstava podrške i to 2% za razvoj poduzetništva, a 3% za razvoj poljoprivrede;
- Uvesti brojne poticajne mjere za pokretanje i razvoj malog i srednjeg poduzetništva, te motivisanje mladih ljudi na otpočinjanje vlastitog biznisa (obuka u pisanju poslovnih planova, nagrađivanje najkvalitetnijih planova inicijalnim sredstvima za osnivanje i početak rada, promovisanje kroz lokalne medije, pomoć pri registraciji firmi, refundacija troškova osnivanja firmi, plaćanje zakupa poslovnog prostora, prekvalifikacija zaposlenika ...);
- Uvesti širok spektar pogodnosti koje su omogućene investitorima (poticaj u vidu povrata novčanih sredstava od

naknade koja se obračunava za rentu i naknade za uređenje gradskog građevinskog zemljišta, poticaj u vidu povrata naknade za korištenje gradskog građevinskog zemljišta i komunalne naknade, oslobađanje pojedinih taksenih obaveza ...);

- Kreiranjem budžeta težiti da se dio socijalnih izdvajanja pretvori u poduzetničku podršku;
- Značaj dati vlastitom učešću poljoprivrednih proizvođača i poduzetnika u svakom pojedinačnom projektu.
- Podrška zadrugama i udruženjima (refundacija troškova registracije, finansiranje nastupa na sajmovima u BiH i organizovanim posjetama sajmovima izvan BiH, posjetama visokoškolskim ustanovama i institutima).

Poljoprivreda

- Aktiviranje potencijala neiskorištenih resursa i održivog radnog mjesta u sektoru agrara;
- Osigurati pravedan, transparentan i efikasan sistem poticaja u oblasti poljoprivrede i ruralnog razvoja, harmoniziran sa poticajima drugih nivoa vlasti;
- Stvarati ambijent za razvoj stočarstva i domaće proizvodnje hrane, te bolju povezanost sa tržištima;
- Prioritetne proizvodnje: proizvodnja mesa i mlijeka, proizvodnja jagodastog voća, proizvodnju povrća na otvorenom i zatvorenom prostoru, organska proizvodnja hrane, sakupljanje, proizvodnja i prerada ljekovitog bilja i

gljiva kao izvoznog proizvoda (uspostava otkupnih stanica i doradivačkih kapaciteta), pčelarstvo, proizvodnja ribe i dr.;

- Povećanje rashladnih kapaciteta za jagodasto voće i povrće;
- Registracija poljoprivrednih proizvođača;
- Voditi kampanju o značaju zdrave ishrane i korištenju domaćih proizvoda;
- Organiziranje teorijskih i praktičnih edukacija za poljoprivredne proizvođače;
- Omogućavanje i uključivanje korisnika u proces organske certifikacije vlastite proizvodnje.

Vizija uposlenog poljoprivrednika:

- Robni – poljoprivredni proizvođač koji proizvodi za prehrambenu industriju u BiH i za izvoz;
- Jedan član domaćinstva, radom na svojoj farmi, je oficijelno uposlen i ostvaruje socijalna prava iz radnog odnosa.
- Bruto profit poljoprivredne proizvodnje (farme) obezbjeđuje poljoprivrednom gazdinstvu egzistencijalni prihod na nivou prosječne bruto zarade u privredi BiH i prostu reprodukciju osnovnih sredstava;
- Spreman je provoditi predloženu radnu i tehnološku disciplinu u proizvodnji i preradi;
- Poslovno je organizovan u poljoprivrednu zadrugu, udruženje ili je direktni kooperant.

3. ZAŠTITA ŽIVOTNE SREDINE

Poboljšanje stanja u oblasti zaštite životne sredine će se ostvariti poduzimanjem sljedećih mjera i aktivnosti:

- Kontinuiranim mjerama i akcijama osigurati visok nivo komunalne higijene na području cijele općine;
- Izraditi Program saniranja postojećih divljih deponija otpada;
- Uvesti sistem integralnog upravljanja komunalnim otpadom (proširenje mreže sistema integralnog prikupljanja, te organiziranog odvoza i zbrinjavanja otpada na teritoriji općine, postavljanje namjenskih kontejnera za selektivno prikupljanje na više lokacija, izgradnja namjenskih hala, u kojim će se vršiti odlaganje prikupljenog otpada radi recikliranja, odnosno dalje prerade);
- Proširiti saradnju sa Fondom za zaštitu okoliša FBiH na nove oblike (projekti prikupljanja korisnog otpada u saradnji sa osnovnim i srednjim školama, te udruženjima građana, opremiti mini otkupne centre sa presom, projekti iz oblasti energetske efikasnosti i dr.);
- Ukinuti individualna ložišta te daljinsko zagrijavanje gradova i sela posmatrati kao najznačajnije infrastrukturne i ekološke projekte;
- Izraditi i implementirati LEAP-a (Lokalni ekološki akcioni plan), SEAP-a (Akcioni plan energetske održivosti razvoja) i LEHAP-a (Lokalni ekološko-zdravstveni akcioni plan);
- Pratiti parametre kvalitete zraka i prezentirati ih javnosti;

STRANKA DEMOKRATSKE AKCIJE

- Inicirati i uzeti učešće u volonterskim akcijama (npr. Let's Do It - očistimo zemlju za 1 dan; "Let's Do It – milion sadnica za 1 dan" i dr.);
- Graditi biciklističke staze, radi smanjenja korištenja automobila u gradskoj zoni;
- Izraditi Program zaštite biljnih i životinjskih vrsta u cilju očuvanja biološke raznolikosti;
- Štititi izvorišta pitkih voda;
- Poticati korištenje obnovljivih izvora energije i tehnologija čije korištenje smanjuje stvaranje materija štetnih po okoliš;
- Poticati korištenje otpada kao sirovine za proizvodnju i dobijanje energije;
- Educirati građane i provoditi projekte štednje energije u funkciji održivog razvoja;
- Uspostavljati finansijske instrumente u zaštiti okoliša;
- Sufinansirati projekte za zaštitu okoline i davati prednosti projektima koji imaju izraženu ekološku komponentu;
- U saradnji sa medijima realizirati ekološke projekte čiji je cilj edukacija stanovništva o potrebi zaštite životne sredine i podizanje nivoa ekološke svijesti kod svih građana, a posebno kod djece i mladih (ekološki kviz u kojem bi se takmičili učenici osnovnih škola, emitiranje emisija iz oblasti zaštite životne sredine, natječaji za najbolje radove iz oblasti zaštite okoliša i dr.);

- Formirati Zeleni ured, kao posebnu organizacionu jedinicu u okviru organa uprave, koja će se isključivo baviti zaštitom okoliša.

4. RAZVOJ INFRASTRUKTURE

Realizacija infrastrukturnih projekata znači bolji komfor života svim građanima, pa je stoga potrebno poduzeti sljedeće:

- Stvarati preduslove za izgradnju novih infrastrukturnih projekata (priprema i izrada prostorno-planske i građevinske dokumentacije);
- Kontinuirano održavati i uređivati javne, zelene i rekreativne površine;
- Realizirati projekte vodosnabdijevanja, kanalizacione mreže, toplifikacije, saobraćajne infrastrukture, parkirališta, javne rasvjete, sportskih igrališta, biciklističkih staza, zatvorenih bazena, izletničkog i rekreacionog parka i dr.;
- Urbanizirati ruralne dijelove opštine – izgraditi planova razvoja MZ-a;
- Smanjivati troškove javne rasvjete (koristiti rasvjetna tijela LED tehnologije);
- Osavremenjivati zelene pijace u funkciji plasmana domaće poljoprivredne proizvodnje;
- Održavanje zajedničkih dijelova zgrada podići na viši nivo;
- Pružati usluga zdravstvene zaštite životinja;

- Rješavati problem pasa lotalica (u saradnji sa drugim općinama i višim nivoima vlasti izgraditi azile i uspostaviti službe koje će trajno ukloniti pse lotalice sa ulica).

5. KULTURA, SPORT, OBRAZOVANJE, NEVLADIN SEKTOR I VJERSKE ZAJEDNICE

Smatrajući kulturu faktorom duhovne i moralne ravnoteže društva, zalagat ćemo se za njeno potpuno subvencioniranje. Potrebno je poduzeti sljedeće aktivnosti:

- Jačati kapacitete JU za kulturu i obrazovanje kroz sveobuhvatnu ponudu kulturnih proizvoda građanima općine/pozorišna trupa, muzejska zbirka, digitalni muzej, očuvanje kulturne baštine i dr.;
- U budžetu općine planirati sredstva za programe i projekte iz oblasti kulture;
- Podržavati kulturno stvaralaštvo na području općine i kulturno-umjetnička društva;
- Organizovati prigodno obilježavanje državnih praznika i drugih datuma koji su od značaja za BiH, FBiH, kanton i općinu;
- Organiziranje sportskih i kulturnih društava u ruralnim područjima.

Naš cilj je moderan obrazovni sistem, neopterećen ideologijama, nacionalnim, vjerskim, rasnim ili drugim netolerancijama.

U oblasti obrazovanja potrebno je:

IZBORNA PLATFORMA ZA LOKALNE IZBORE 2016. GODINE

- Poboljšati uslove za rad predškolskih ustanova, osnovnih i srednjih škola;
- Obezbijediti sredstva za participaciju troškova boravka u predškolskim ustanovama za djecu čiji su roditelji slabijeg imovinskog stanja, te za porodice sa velikim brojem djece;
- Obrazovanje uskladiti sa potrebama privrede;
- Podržati posebne obrazovne projekte (rad sa učenicima sa posebnim potrebama ili rad sa nadarenom djecom);
- Obezbijediti đачke i studentske stipendije, stipendije odličnim učenicima slabog imovnog stanja te sredstava učenicima generacije;
- Obezbijediti sredstava za participaciju troškova svakodnevnog prevoza studenata i đака a učenicima osnovne škole koji su u teškoj socijalnoj situaciji osigurati novac za školsku užinu;
- Pružati podršku vanškolskim aktivnostima;
- Realizirati programe stimulativnog zapošljavanja pripravnika/volontera;
- Zajedno sa mladima organizirati sportska takmičenja, kulturno-zabavane programe, koncerte za mlade i sponzorirati njihove aktivnosti (izložbe, revije, omladinska poduzetništva i sl.);
- Stambeno zbrinjavanje mladih (izgradnja stanova po povoljnim uslovima za kadrove, istaknute sportiste, umjetnike i sl.).

STRANKA DEMOKRATSKE AKCIJE

Aktivno ćemo podržavati razvoj sporta, zbog razvoja djece i omladine, očuvanja zdravlja i osmišljavanja slobodnog vremena građana, kao i promocije naše države. U narednom periodu posebnu pažnju ćemo usmjeriti na sljedeće:

- Promovirati adekvatnu politiku i pružiti podršku sportskim kolektivima, te obezbijediti uslove za odvijanje takmičenja;
- Jačati kapacitete JU za sport kroz sveobuhvatnu ponudu sportskih sadržaja građanima/ organiziranje liga takmičenja mladih – osnovaca, srednjoškolaca, sportske igre u mjesnim zajednicama i dr.;
- Podržavati nastupe uspješnih sportista na međunarodnim takmičenjima;
- Podržavati značajne sportske manifestacije;
- Raditi na izgradnji sportske infrastrukture kroz sanaciju i adaptaciju postojećih i izgradnju novih sportskih objekata, dječijih igrališta, terena za male sportove, sportske dvorane, te gradskog stadiona;
- Organizirati sportska i kulturna društva u ruralnim područjima.

Kada je u pitanju nevladin sektor:

- Unaprijediti partnerske odnosa između lokalne vlasti i civilnog društva;
- Pružiti finansijsku podršku programima nevladinog sektora i humanitarnih organizacija;

- Obezbijediti prostorne uslove za rad udruženja koja imaju neuslovne prostorije ili ih nemaju nikako;
- Finansijski podržati projekte udruženja koja okupljaju mlade, te obezbijediti sredstava za kulturno-zabavne programe mladih.

U vjeri vidimo moralnu snagu za razvoj pojedinca i društva. Zbog toga u općinskom budžetu vjerskim zajednicama treba obezbijediti sredstva, te pružiti svaki drugi vid potrebne podrške.

6. BORAČKO – INVALIDSKA, ZDRAVSTVENA I SOCIJALNA ZAŠTITA

Iako nadležnost za pružanje pomoći boračkim populacijama imaju ministarstva za boračka pitanja FBiH i kantona, općine će, zbog svog posebnog respekta prema njima, nastojati da iz svog budžeta pomogne ovoj populaciji i obezbijede uslove za rad i funkcioniranje boračkih organizacija i udruženja.

U oblasti boračko – invalidske zaštite zalagati ćemo se za:

- Uspostavljanje jedinstvene organizacije boračke populacije;
- Podršku, razvoj i realizaciju projekata pomoći boračkim populacijama;
- Obezbjedenje novčane pomoći za nezaposlene pripadnike boračke populacije;
- Finansijsku podršku udruženjima boračkih populacija;

STRANKA DEMOKRATSKE AKCIJE

- Iznalaženje rješenja za pomoć boračkoj populaciji u rješavanju stambenih i drugih problema;
- Dosljedno i trajno čuvanje tekovine odbrambeno-oslobodilačke i antifašističke borbe Armije RBiH i tekovina NOR-a (1941-1945.). Značajne datume dostojanstveno obilježavati, sa posebnim angažmanom mladih generacija;
- Iniciranje i pomaganje izrade monografija iz perioda Odbrambeno-oslobodilačkog rata 1992-1995.

U oblasti socijalne zaštite poduzeti sljedeće aktivnosti:

- Zaštita i podrška proširenju porodice (novčana pomoć porodiljama, te jednokratna pomoć za opremu beba);
- Urediti sistem socijalne zaštite i nastaviti pružati podršku socijalno ugroženim kategorijama stanovništva općine (izraditi Program mjera za pomoć najugroženijim kategorijama stanovništva, izraditi bazu podataka na jednom mjestu za sva socijalna davanja);
- Briga o starim i iznemoglim osobama i penzionerima;
- Osigurati sredstva za rad Javnih kuhinja;
- Osigurati sredstva za subvencije komunalnih usluga za socijalno ugrožena lica;
- Razvoj nevladinog sektora za djelovanje u segmentu socijalne zaštite;

IZBORNA PLATFORMA ZA LOKALNE IZBORE 2016. GODINE

- Radno sposobna, socijalno ugrožena lica, podržati poticajima za samozapošljavanje u poljoprivredi ili obrtu;
- Otkupljivanje poljoprivrednih proizvoda od socijalno ugroženih lica i ustupanje istih Javnoj kuhinji, Merhametu, Crvenom križu ili drugim humanitarnim akcijama;
- Finansijsku podršku humanitarnim organizacijama;
- Podrška ustanovama koje brinu o djeci i odraslim s posebnim potrebama, žrtavama nasilja u porodici i sl.
- Obezbijediti sredstva za potporu obnove i izgradnje povratnicima, te pomoć za raseljene i povratnike.

S ciljem popravljavanja stanja u zdravstvu i podizanja kvaliteta zdravstvenih usluga na viši nivo, potrebno je poduzeti sljedeće aktivnosti:

- Osigurati uvjete za promociju zdravlja i zdravog načina života;
- Kontinuirano opremanje zdravstvenih ustanova savremenom medicinskom aparaturom;
- Primjena novih informacionih tehnika u zdravstvu;
- Dalja implementacija projekta porodične medicine s ciljem približavanja pružanja zdravstvenih usluga svim građanima na području općine;
- Izrada, praćenje i evaluacija programa mjera zdravstvene zaštite stanovništva i preventivno-promotivnih programa na području općine;

- Kontinuirano provoditi borbu protiv svih oblika ovisnosti (duhan, alkohol, narkotici);
- Mladi i zdravlje, reproduktivno zdravlje, planiranje porodice i razvoj su prioriteta politike javnog zdravstva;
- Edukacija stanovništva (osigurati uvjete i angažman medija za njeno kontinuirano sprovođenje);
- Osigurati stalne kontrole zdravstvene ispravnosti hrane u vrtićima, školama, tržnicama i na drugim mjestima javnog prometa i potrošnje hrane;
- Osigurati veterinarsku zaštitu na nivou općina, putem javnih i privatnih veterinarskih organizacija, sa ciljem zaštite i prevencije od bolesti koje su zajedničke ljudima i životinjama i koje uzrokuju velike ekonomske štete u stočarstvu.

7. CIVILNA ZAŠTITA

Zbog sve šire uloge Civilne zaštite i njenog učestalijeg angažovanja, potrebno je osigurati:

- Funkcionisanje organizacije zaštite i spašavanja ljudi i materijalnih dobara na području općine, a rad jedinica civilne zaštite podići na viši nivo;
- Formiranje jedinica opće namjene na području općine;
- Obuka i materijalno opremanje općinskih struktura civilne zaštite, te pripadnika PVJ;

- Aktivnosti na edukaciji učenika u osnovnim školama i predškolskim ustanovama na području općine radi podizanja svijesti i upoznavanja o prirodnim nesrećama i katastrofama;
- Redovno obilježavanje i uklanjanje pronađenog zaostalog NUS-a.

8. URBANA SIGURNOST – SAVREMENI PRISTUP ZA NOVO DOBA

Zalagat ćemo se za oblikovanja novog pristupa i modela sigurnosti građana u lokalnim zajednicama zasnovanog na principima humane dimenzije sigurnosti, odnosno tzv. homo-centričnog pristupa u cilju prevencije rizika i zaštite građana i njihovih vrijednosti. U suštini, to podrazumijeva zaštitu od ugrožavanja i uznemiravanja građanina u domovima, na radnim mjestima, na javnim površinama, odnosno zajednice u cjelini, jer bez sigurnosti nema razvoja, a bez razvoja su ugroženi sigurnost i stabilnost.

Naši prioriteti u sferi sigurnosti su:

- Insistiranje na većoj sigurnosti građana i zaštiti njihove imovine, te ohrabivanje građana na veću saradnju sa policijskim organima radi efikasnije zaštite imovine, javnog reda i mira;
- Razvijanje sigurnosne kulture kao preduslov stvaranja povoljnog i funkcionalnog ambijenta za život i rad građana i institucija u lokalnim zajednicama, i otklanjanje mogućih izvora sigurnosnih prijetnji ličnoj i društvenoj sigurnosti;
- Aktivno raditi na prevenciji zločina iz mržnje, radikalizma i terorizma, posebno kroz saradnju sa svim građanima, relevantnim institucijama i službama u lokalnoj zajednici;

- Uspostavljanje savjeta za sigurnost na nivou lokalne zajednice (rad pluralističke sigurnosne zajednice, u kojoj se nesuglasice preveniraju uspostavljanjem povjerenja, a problemi se rješavaju dijalogom);
- Uspostavanje općinske redarske službe-komunalne policije, sa jasno definisanom ulogom u oblasti zaštite životne sredine;
- Redovno, kroz aktivnosti lokalne zajednice vršiti edukaciju u oblasti sigurnosti i zaštite u cilju jačanja otpornosti na krize, opasnosti i katastrofe;
- Podržavanje samoorganiziranja civilnog društva kroz razne organizacijske forme (dobrovoljna vatrogasna društva, gorska služba spašavanja, lovačka društva, planinarska društva, streljački klubovi, klubovi borilačkih sportova, izviđačka društva i sl.) u cilju samozaštite i samopomoći stanovništva prilikom prirodnih ili drugih neželjenih situacija;
- Detektovanje „sigurnosnih zona“ (parkova, trgova, igrališta, škole) u lokalnim zajednicama gdje bi bilo pojačano prisustvo policije i cilju sprečavanja narušavanja javnog reda i mira (konzumiranje opojnih droga, alkohola i drugi neprihvatljivi oblici ponašanja) – policija mora djelovati u skladu sa evropskim principima i snažnijom korelacijom sa lokalnom;
- Uvođenje video-nadzora koji pokriva cijelo područje općine.

9. OPĆINSKI NAČELNIK

Naši kandidati za načelnike općina su kompetentni i iskusni kadrovi. To su kandidati koji su u dosadašnjem radu pokazali stabilnost, posvećenost poslu, odanost lokalnoj zajednici, zalaganje za interese građana i za interese njihove općine

Za načelnike smo predložili kandidate koji imaju sposobnost brzog reagovanja i donošenja jasnih odluka, postojanost i čvrst karakter, svijest o vlastitoj vrijednosti i samouvjerenost potrebnu za provođenje društvenih akcija.

Naši kandidati imaju jasne programe i opredjeljenje za ubrzanim razvojem općine, te spremnost za maksimalno korektnu saradnju sa općinskim vijećem i političkim partijama (redovno izvještavanje Vijeća, transparentan rad i puna saradnja su osnov za potpunu implementaciju projektovanih zadataka).

10. OPĆINSKO VIJEĆE

Naši kandidati za vijećnike imaju stav i spremnost da se bore za svoje stajalište. Poznaju nadležnosti, ovlaštenja i odgovornosti lokalne uprave. Svjesni su odgovornosti u pogledu objektivnosti, javnog interesa i nepristrasnosti. Spremni su da na sjednicima vijeća istrajavaju na postizanju visokog nivoa konsenzusa o pitanjima koja su od općeg interesa za građane. Spremni su da opće interese stave iznad političke pripadnosti, te pripadnosti poziciji ili opoziciji. Građani ne smiju ispaštati zbog izostanka međusobnog uvažavanja, saradnje, dijaloga i konsenzusa u tijelima koja donose važne odluke. Naši kandidati koji budu izabrani za vijećnike podržat će sve projekte koji se odnose na lokalni ekonomski razvoj i na stvaranje ambijenta za bolje i lakše investiranje u općini.

11. LOKALNA UPRAVA - OPĆINSKE SLUŽBE KAO SERVIS GRAĐANA

Zalagat ćemo se na uspostavljanju efektivne, efikasne i odgovorne općinske uprave koja je prilagođena potrebama građana i poslovnih subjekata. Svaki zaposlenik u administraciji općine mora biti

STRANKA DEMOKRATSKE AKCIJE

odgovoran i svjestan da postoji zbog građana, preduzeća i drugih subjekata, te da mu je glavni zadatak profesionalna, stručna, kvalitetna i brza usluga.

U tom cilju ćemo:

- Razvijati pravilnu politiku upravljanja ljudskim resursima, te organizirati organ uprave u skladu sa potrebama i EU standardima;
- Intenzivno raditi na putu ka novoj i modernoj lokalnoj administraciji na temelju novih tehnologija, znanja, vještina i procesnog pristupa;
- Poboljšati protok informacija unutar administracije, te prema građanima i poslovnim subjektima (razvijati koncept savremenih administracija koji kaže "Putuju podaci, a ne građani");
- Uvesti elektronske uprave i informatizaciju poslova lokalne uprave (kroz sisteme „e-inspektor“, "e-Parlament", elektronsko bankarstvo i dr.);
- Uspostaviti informatičke baze podataka svih usluga koje pruža općina sa obrascima, troškovima postupaka i rokovima za direktan pristup građanima i poslovnom svijetu;
- Uvoditi novitete, olakšice i nove servise u cilju poboljšanja usluga i administrativnih postupaka koji se odnose na izdavanje dozvola, uvjerenja, saglasnosti i ostalih akata na nivou općine;
- Okončati aktivnosti oko digitalizacije katastarskih općina;

IZBORNA PLATFORMA ZA LOKALNE IZBORE 2016. GODINE

- Provoditi izbore za članove savjeta mjesnih zajednica općine. Poduzeti dodatne aktivnosti na jačanju mjesnih zajednica i doprinijeti njihovom efikasnijem radu u službi građana;
- Uključivati građane u procese donošenja odluka koje su od općeg interesa.

12. REZIME

Složenost izazova sa kojima se suočavamo, te kompleksnost vremena u kome živimo, za nas predstavljaju šansu za iznalaženje najboljih rješenja.

Rješenja koja nudimo rezultat su našeg iskustva, našeg znanja i naše spremnosti da pokažemo drugima kako se radi. Aktivnosti sadržane u Izornoj platformi samo su jedna od kockica u složenom mozaiku razvoja općina, na čijem slaganju u budućem periodu svi akteri razvoja moraju zajedno raditi i uložiti maksimalne napore. Samo zajedničkim i usklađenim djelovanjem, predanim i kontinuiranim radom svih aktera razvoja na svakom cilju koji je postavljen i implementacijom velikog broja malih koraka, inicijativa i projekata u budućem periodu možemo očekivati pozitivne pomake.

Obaveza nam je da budemo na usluzi našim privrednim subjektima, gdje naši građani ostvaruju uslove za egzistenciju sebe, svojih porodica i općine u cjelini. Obaveza svih nas je da radimo u interesu naše lokalne zajednice i da razvojni trend nastavimo u budućnosti. Moramo istrajati u naporima da u budućnosti unaprijedimo uslove života svim građanima, bez obzira da li žive na selu ili u gradu.

Učinimo te uslove kvalitetnijim kroz ostvarenje naše vizije o prostorno zaokruženoj, infrastrukturno povezanoj, ekološki čistoj, turistički privlačnoj i za život ugodnoj sredini. Ako se zajednički potrudimo uspjeh neće izostati, a perspektiva je zagantovana.

CENTRALA SDA

U. Mehmeda Spahe 14 Sarajevo
T. +387 (0)33 216 906; 569 190
F. +387 (0)33 225 363

U. Alije Isakovića 1/3 Sarajevo
T. +387 (0)33 553 715
F. +387 (0)33 663 970

www.sda.ba
sda@bih.net.ba